

Gvangjsih Hozdung “Minzyingz Giyez Haeuj Henzguk” Caeuq “Song Bak Gunghcwngz” Haidoengh Yizsiz Youq Dwzbauj Guh

Bonjbauq siusik (gicej Cangh Sinhyiz) 11 nyied 9 hauh, Gvangjsih hozdung “minzyingz giyez haeuj henzguk” caeuq “song bak gunghcwngz” haidoengh yizsiz youq Bwzswz Si Dwzbauj Yen guh. Hozdung youz Swcigih Yinzminz Cwngfuj cawjbanh, Swcigih Minzcunghvej, Gunghsanghlenz, Caizcwngdingh, Cungguk Yinzminz Yinzhangz Gvangjsih Faenhangz, Bwzswz Si Yinzminz Cwngfuj ciepbanh. Ndaw gih rog gih 149 aen giyez doxcomz, yienhciengz ciemdingh hanghmoeg 27 aen, bauhamz swnghdai lij, linzyez canjyez, nwnzyenz moq, caizliu moq caeuq nungzyez miz daegsaek daengj cungdenj canjyez, cienzsoq ciemdingh 63.64 ik maenz, vih henzguk minzczuz digih hwngfat ndei dwk haeuj rengzdoengh haenqrem.

► Hozdung yienhciengz.



▲ Gak cuz ginzcung fwngz daz fwngz diuq foux “luenz doengzsim”.

Lozcwngz Guh Hozdung Baenzroix 2025 Lozcwngz Mulaujcz Cietyihfan

Bonjbauq siusik (gicej Vangz Yinz) 11 nyied 8 hauh, Lozcwngz Mulaujcz Swciyen guh hozdung 2025 Lozcwngz Mulaujcz cietyihfan, gak cuz ginzcung foux lungzfiengz, cimz gijwn ndei, guh giuzcuk doxdax doengh gij saeh neix, yienhciengz nauhyied dangqmaz.

Hocouh Guh “Ndwen Senhconz 119 Siuhfangz” Haidoengh Yizsiz Caeuq Siuhfangz Yindungvei

11 nyied 5 hauh, Hocouh Si “ndwen senhconz 119 siuhfangz” haidoengh yizsiz caeuq siuhfangz yindungvei youq Bazbu Gih Lingzfung Gvangjczangz guh. Hocouh Siuhfangz aeu gij fuengsik “daejniemh gohbu + dinfwngz siuhfangz doxdax”, baijok gak loih canghbei gicaiz siuhfangz moq, doxgaiq cinwngz siuhfangz, laeb aen bingzdaiz hawj ginzcung youq gyawj daejniemh caeuq roxyiuj siuhfangz cihsiz ndeu, supyinx haujlai vunz camgya.

(Liu Cujbingz/廖祖平)



▲ Boux siuhfangzyenz son ginzcung baenzlawz hot duq cag siuhfangz.



▲ Bouxguhnaz mbit mak ndaej baenz doengj baenz doengj. Couh Hojwvwnz ingi

Vuzcouh: Makyouzcaz Fung-sou Mbit Mak Nyaengq

11 nyied 9 hauh, youq Vuzcouh Si Lungzhih Gih Gvangjbingz Cin, gyoengq ginzcung cingq mbit, daeh makyouzcaz, yienhciengz nyaengqnyatnyat. Ciuq cam rox, aen youzcaz binjcungj neix, moux baenz mak daih' iek 800 gaen, moix gaen daih' iek 1.2 maenz ngaenz, moux ndaej ngaenz 960 maenz, coenghrens bouxguhnaz demsou baenzfouq.

(Couh Hojwvwnz/周火文 Lij Vanhloz/李欢乐)